



SIARAN MEDIA

UNTUK SIARAN SEGERA

SIMPAN SSPN PLUS SEDIAKAN MANFAAT PERLINDUNGAN TAKAFUL KE ATAS PENDEPOSIT

1. Perbadanan Tabung Pendidikan Tinggi Nasional (PTPTN) hari ini menyampaikan manfaat perlindungan takaful kepada waris pendeposit Simpan SSPN Plus, Allahyarham Azlan bin Idris menerusi Program Ziarah Kasih Simpan SSPN. Inisiatif ini mencerminkan komitmen PTPTN memastikan Simpan SSPN terus melindungi pendeposit dan keluarga melalui manfaat perlindungan takaful, khususnya ketika berdepan situasi tidak dijangka.
2. Sesi ziarah dan penyerahan manfaat perlindungan takaful telah disempurnakan oleh YBhg. Dato' Seri Norliza Abdul Rahim, Pengerusi PTPTN kepada isteri Allahyarham, Puan Wan Syahrina binti Wan Ab Rahman, Pengurus Saluran dan Kandungan BERNAMA TV. Turut hadir, YBrs. Encik Ahmad Dasuki Abdul Majid, Ketua Eksekutif PTPTN, YBrs. Encik Mohd Shukri Ishak, Timbalan Ketua Pengarang Perkhidmatan Berita BERNAMA, YBrs. Puan Wan Zawiah Wan Abu Bakar, Pengurus Besar Kanan, Jabatan Komunikasi Korporat dan Pemasaran PTPTN serta Pengurusan PTPTN dan Pertubuhan Berita Nasional Malaysia (BERNAMA).
3. Allahyarham Azlan bin Idris merupakan Ketua Bernama Radio dan telah kembali ke rahmatullah pada 15 Januari 2026 akibat komplikasi berkaitan masalah kesihatan. Allahyarham merupakan pendeposit Simpan SSPN Plus yang telah membuka akaun untuk dua (2) orang anak pada tahun 2019. Beliau telah membuka akaun di bawah Pakej Delima untuk setiap seorang anak dengan komitmen sebanyak RM50.00 sebulan iaitu RM40.00 untuk simpanan dan RM10.00 untuk caruman takaful. Melalui caruman takaful RM10.00 sebulan, beliau sebagai pendeposit Simpan SSPN Plus telah mendapat manfaat perlindungan takaful (kematian biasa) sebanyak RM30,000.00 dan khairat kematian berjumlah RM3,000.00 untuk setiap akaun. Maka jumlah keseluruhan manfaat yang diterima oleh pendeposit adalah sebanyak RM66,000.00.
4. Pengerusi PTPTN, YBhg. Dato' Seri Norliza Abdul Rahim berkata, "PTPTN sentiasa prihatin terhadap kebajikan pendeposit dan keluarga. Melalui Simpan SSPN Plus, simpanan pendidikan anak turut dilengkapi manfaat perlindungan takaful yang dapat membantu meringankan beban kewangan keluarga sekiranya berlaku musibah kepada pendeposit, agar impian pendidikan anak terus terpelihara."

5. “Kisah ini mengingatkan kita bahawa perancangan masa depan bukan sekadar tentang simpanan pendidikan, tetapi juga perlindungan untuk keluarga. Dalam menghadapi kehilangan insan tersayang, manfaat Simpan SSPN Plus diharap dapat meringankan beban waris serta membantu memastikan kelangsungan kehidupan dan pendidikan anak-anak terus terpelihara,” tambah beliau lagi.

6. PTPTN mempunyai dua (2) produk simpanan iaitu Simpan SSPN Prime dan Simpan SSPN Plus yang menawarkan pelbagai keistimewaan dan manfaat. Keistimewaan Simpan SSPN Prime ialah perlindungan takaful percuma secara Ringgit ke Ringgit kepada pendeposit yang mempunyai simpanan RM1,000 dan ke atas sekiranya berlaku kematian/ ilat kekal menyeluruh kepada mereka. Selain itu, pelepasan taksiran cukai pendapatan ke atas simpanan sehingga RM8,000 setahun, Geran Sepadan sehingga RM10,000.00 bagi satu keluarga yang layak, dividen yang kompetitif, patuh syariah dan simpanan dijamin Kerajaan.

7. Produk Simpan SSPN Plus pula menawarkan enam (6) pakej serendah RM30 sebulan (Pakej Intan) hingga RM500 sebulan (Pakej Berlian) dengan manfaat tambahan seperti manfaat perlindungan takaful sehingga RM1.2 juta, manfaat khairat kematian kepada pendeposit, pasangan dan anak-anak maksimum lima (5) orang anak, manfaat takaful penyakit kritikal, elaun kemasukan hospital, perlindungan takaful sehingga umur pendeposit 69 tahun dan manfaat ini tertakluk kepada pakej yang dipilih dan Syarikat Pengendali Takaful yang dipilih oleh pendeposit. Selain itu, pembukaan akaun Simpan SSPN Plus tidak memerlukan pemeriksaan kesihatan kecuali pakej Berlian, hanya perlu menjawab tiga (3) soalan kesihatan.

8. Pembukaan dan penambahan akaun Simpan SSPN boleh dibuat melalui aplikasi myPTPTN untuk perkhidmatan yang lebih mudah, cepat dan selamat. Maklumat lanjut Simpan SSPN boleh diperoleh melalui portal rasmi www.ptptn.gov.my.

Diedarkan oleh:

Bahagian Komunikasi Korporat
Perbadanan Tabung Pendidikan Tinggi Nasional (PTPTN)
21 September 2026

Untuk pertanyaan daripada pihak media, sila hubungi Puan Rina Abd Rahman (019 - 3888 733) atau Puan Hasliza Abdul Latiff (019 - 354 2388)